

KOMMISJONSVEDTAK**av 9. juli 1997****om ei felles teknisk forskrift om allmenne krav til tilkopling av terminalutstyr med grensesnitt til analoge leigde firetrådssamband i opne telenett (ONP)(*)****(Tekst som er relevant for EØS)****(97/487/EF)****KOMMISJONEN FOR DEI EUROPEISKE FELLESKAPA HAR –**

med tilvising til traktaten om skipinga av Det europeiske fellesskapet,

med tilvising til rådsdirektiv 91/263/EØF av 29. april 1991 om tilnærming av medlemsstatenes lovgivning om teleterminalutstyr samt gjensidig anerkjennelse av utstyrets samsvar⁽¹⁾, endra ved direktiv 93/68/EØF⁽²⁾, særleg artikkel 6 nr. 2 andre strekpunktet, og

ut frå desse synsmåttane:

Kommisjonen har vedteke eit tiltak for å klarleggje kva type terminalutstyr som bør omfattast av ei felles teknisk forskrift, og den tilhøyrande fråsegna om verkeområdet for forskrifta.

Dei tilsvarande harmoniserte standardane eller delar av dei som dei grunnleggjande krava skal gjennomførast ved hjelp av, og som skal gjerast om til felles tekniske forskrifter, bør vedtakast.

Den felles tekniske forskrifta som er vedteken i dette vedtaket, er i samsvar med fråsegna frå Utvalet for godkjenning av teleterminalutstyr (ACTE) –

GJORT DETTE VEDTAKET:**Artikkel 1**

1. Dette vedtaket skal gjelde for terminalutstyr som er meint for tilkopling til eit termineringspunkt i det offentlege telenettet av analoge leigde firetrådssamband med talebandbreidd av vanleg eller særskild kvalitet i opne telenett (ONP), og som fell inn under verkeområdet for den harmoniserte standarden som er nemnd i artikkel 2 nr. 1.

2. I dette vedtaket er det fastsett ei felles teknisk forskrift som omfattar allmenne krav til tilkopling av det terminalutstyret som er nemnt i nr. 1.

Artikkel 2

1. Den felles tekniske forskrifta skal femne om den harmoniserte standarden som det rette standardiseringsorganet har utarbeidd, og som dei grunnleggjande krava i artikkel 4 bokstav c), d) og f) i direktiv 91/263/EØF så langt mogleg skal gjennomførast ved hjelp av. Tilvisinga til standarden er oppført i vedlegget.

2. Terminalutstyr som dette vedtaket omfattar, skal vere i samsvar med den felles tekniske forskrifta som er nemnd i nr. 1, og skal stette dei grunnleggjande krava som er nemnde i artikkel 4 bokstav a) og b) i direktiv 91/263/EØF, og krava i andre direktiv som gjeld for utstyret, særleg rådsdirektiv 73/23/EØF⁽³⁾ og 89/336/EØF⁽⁴⁾.

(*) Denne EF-rettsakten, kunngjort i EFT L 208 av 2.8.1997, s. 47, er omhandlet i EØS-komiteens beslutning nr. 62/98 av 4. juli 1998 om endring av EØS-komiteens vedlegg II (Tekniske forskrifter, standarder, prøving og sertifisering), se denne utgaven av EØS-tillegget til De Europeiske Fellesskaps Tidende.

⁽¹⁾ TEF nr. L 128 av 23.5.1991, s. 1.

⁽²⁾ TEF nr. L 220 av 31.8.1993, s. 1.

⁽³⁾ TEF nr. L 77 av 26.3.1973, s. 29.

⁽⁴⁾ TEF nr. L 139 av 23.5.1989, s. 19.

Artikkel 3

Når det gjeld terminalutstyr som kjem inn under artikkel 1 nr. 1 i dette vedtaket, skal dei melde organa som er peika ut til å gjennomføre dei rutinane som er nemnde i artikkel 9 i direktiv 91/263/EØF, nytte den harmoniserte standarden som er nemnd i artikkel 2 nr. 1, eller syte for at han vert nytta, innan eitt år etter at det er gjeve melding om dette vedtaket.

Artikkel 4

Dette vedtaket er retta til medlemsstatane.

Utferda i Brussel, 9. juli 1997.

For Kommissjonen

Martin BANGEMANN

Medlem av Kommissjonen

VEDLEGG

Tilvising til den gjeldande harmoniserte standarden

Den harmoniserte standarden som er nemnd i artikkel 2 i dette vedtaket, er:

Telekommunikasjon i forretningslivet (BTC: Business TeleCommunications)

Tekniske krav til tilgang til opne telenett (ONP)

Analoge leigde firetrådssamband med talebandbreidd av vanleg eller særskild kvalitet (A4O og A4S)

Krav til tilkopling til grensesnittet til terminalutstyr

ETSI

Det europeiske standardiseringsinstituttet for telekommunikasjonar

ETSI-sekretariatet

TBR 17 — januar 1997

(utan forordet)

Tilleggsopplysningar

Det europeiske standardiseringsinstituttet for telekommunikasjonar er godkjent i medhald av rådsdirektiv 83/189/EØF⁽¹⁾.

Den harmoniserte standarden som er nemnd ovanfor, er utarbeidd i medhald av eit mandat som er gjeve etter dei relevante framgangsmåtane i direktiv 83/189/EØF.

Den fullstendige teksta til den harmoniserte standarden som er nemnd ovanfor, kan skaffast frå:

Det europeiske standardiseringsinstituttet
for telekommunikasjonar
650, Route des Lucioles
F-06921 Sophia Antipolis Cedex

Kommisjonen for
Dei europeiske fellesskapa
DG XIII/A/2 — (BU 31, 1/7)
Rue de la Loi/Wetstraat 200
B-1049 Brussel

⁽¹⁾ TEF nr. L 109 av 26.4.1983, s. 8.